



UNIVERSITÄTS-
BIBLIOTHEK
PADERBORN

**Commentarivs Ivridicvs, Ad L. Stigmata. C. De
Fabricensibvs**

Ostermann, Petrus

Coloniae Agrippinae, 1629

IV. De stigmatibus materialibus violentis, extrinsecis & quidem I. publicis.

[urn:nbn:de:hbz:466:1-61313](https://nbn-resolving.org/urn:nbn:de:hbz:466:1-61313)

nibus fit. Omnes herbæ, flores, arbores, aliaq; è terra proueniëntia, sunt libri, & signa medica, ab immensa Dei misericordia communicata, non quod illa signa sint nostra medicina, sed quod per illorum cognitionem, ad veram medicinam, id est signatū venire possimus. Vide latius *Oswald. Croll. tr. de signaturis internis rer. in prof. ad Lector.*

S E C T I O I V.

*De Stigmatibus materialibus Violentis. Extrinsecis
& quidem I. publicis.*

HÆc Stigmata Violēta erant partim publica, partim priuata. Illa habebāt formam publicam *arg. l. sacrilegij 6. §. qui cum 1. ff. ad l. Iul. ple. l. 1. in priui. ibi [forma publica. ff. de cōtr. Empt. Hęc vero priuatam, & notæ priuatorum erant, de quibus in l. 1. §. tamdiu ff. de fugit. Rubr. tit. & l. 1. C. vt nem. lice. sin. Iud. aut sig. reb. imponere alienis. Vtrimq; tam publicum, quā priuatum definitur. Quid sit coctura igneorum, vulnerum iuxta *Ar. hidiacen.* vt notat *Gloss. inc. si iudex ad verb. Ex stigmate.* tum ob crimina, tum ob alia iudicanda facta. *Petr. Greiz. Tholos. insynag. Iur. vniuers. lib. 31. tit. 35. n. 1.**

Publici Stigmatis exemplum primum ab Arcadio Cæsare statutum est, qui mandauit vt fabricensibus infigantur stigmata: id est. notæ publicæ in brachijs ad instar tyronum, vt si latitauerint ex tali signo possint agnosci: qui vero tales latitantes susceperint, puniuntur nam ipsi & eorū liberi tali fabricæ adscribebantur, & qui ad quamlibet militiam transferant, ad ipsam fabricam cui adscripti, retrahebantur *l. 1. stigmata 3. C. de Fabricens. l. 11. tit. 9.* vnde *Vegetius punctis signorum scribendus tyro,* & alio in loco *Victuris in cute punctis milites scripti.* Apud *Gregor. 2. Epist.* fit mentio cōstitutionis cuiusdam *Mauritij Augusti* ne quis manu signatus ante expletā militiam ad monasteria migret, quā dicit priorem tulisse *Iulianū Parabatam* facit. *c. si quis 61. dist. 50. Cuiac. in parat. C. de Fabricens. l. 32. C. de decur.* Et hic character quo signabatur miles vt ab alijs dignosceretur. vocabatur alias cingulum militare. *Archid. inc. quod quidem 97. caus. 1. & character Imperatoris cap. Quemadmodum 4. caus. 23. q. 7. Luc. de penna ad d. l. stigmata 3. C. de Fabricens.* per quod character militaris indiuisibiliter affigitur militi, ita tamen vt posset dici, quod ille character, qui infigitur ex constitutione Imperatoris, non infigitur intuitu animæ principaliter, sed corporis, quod ex eo apparet, quia mortuo milite anima nihil ex illo characterē consequitur. *Innoc. cap. 3. de Sac. iter. vel non. 1.* Secundum exemplum stigmatis publici reperitur in *Aquarijs*, *Hydrophilaces* enim. id est, aquarum custodes publici, aquæ ductuum vrbs *Regiæ*, in manibus signo Imperatoris notabantur, vt propter tale signum manifesti sint omni-

bus

bus, & ita ab usu, cui deputabantur, non auellerentur, per procuratores domorū, nec angariarū, vel operarum nomine tenerentur. Et si ex eis aliquis moriatur, is, qui in eius locum subrogabitur, eo signo signandus est, ut quadam militia sociati simul vacent excubijs nec alijs muneribus occupentur. *l. Decernimus 10. C. de Aquæ ductu, & ibi Luc. de penna cap. si iudex 12. vers. Ex stigmate De sent. Ex. omnu. lib. 6.*

Tertium exemplum publici stigmatis est in *l. Memoria. de reis post. l. vel Remmia*, per quam calumniatori in fronte imprimebatur litera. K. vel C. quā indicabatur calumniatum eum esse. *l. 1. §. 2. ff. ad Sc. Turpil. & ibi Gothof. Vnde Cic. pro Sex. Rosc. literam illam cui vos eousque inimici estis, ut etiam Calumnias Oderitis, ita vehementer ad caput affigent, ut p. stea neminem alium, nisi fortunas vestras accusare possit: Tali inusto integre frontis testis opponitur l. Quasitum 3. & ibi Gothofr. ff. de Testib.*

Quartum exemplum in *l. 3. ibi & corporales maculas executoribus imponere C. de sport & sumpt. in diuer. iud. sac. vbi dicitur quod executor delinquens in officio stigmatica pœna puniri possit Gandin. tit. de pœn. reor. n. 59. Couarr. de Matr. part. 2. cap. 7. §. 3. n. 11.*

Quintum refert Herod. *lib. 7. hist.* quod Barbari maiorem partem Thebanorum, qui à Græcis ad Xerxem desciscabant regis iussu compungebant, vel inurebant, per notas regias: item & signabantur notis captiui, & in aliquo scelere deprehensū vnde *Senec. lib. 4. de benefic. cap. 137. & seq.* tradit scelerato cuidam supplicij causa iniustam fuisse frontem vnde *Plutarch. in P. ricle, & Aclimul. 2. cap. 9.* referunt de Samijs, qui Atheniensibus captiuis noctuæ figuram fronti inurebant. Contrā Athenienses Samijs captiuis Samænx notam, erat autem Samæna nauigij genus *Iacob. Bonifrey. comment in Leuitic. cap. 19. vers. 28.*

Sextum recenset *Couarr. supra cit. loc.* quando ait, quod praxis Hispanica criminalis receperit illam pœnam, ut contrahentibus binas nuptias candenti ferro fronti imprimatur litera Q. *lib. 6. tit. 15. lib. 8. & lib. 3. tit. 1. lib. 5. in Regijs ordinat.* Ceterum quia lex illa dixit signo Q. esse inurendum hunc delinquentem opinantur quidam de signo crucis intelligendum esse, eo, quod talis binubus male sentiat de fide, atque existimant, legem vitio scriptorū esse corruptam. Quod si in lege error forsan aliquis adest, is est in eo, quod erat statutum, ut contrahens binas nuptias signaretur hoc signo binario 2. quasi duas habeat vxores, atque inde facilius fuit lapsus, ut ex illis characteribus dualem numerum designantibus Q. fieret: vsus tamen obtinuit literam Q. imprimi. Illud vero quod de signo Crucis annotauimus fatetur *Couarr.* se deprehendisse in Regni Hispanici Constitutionum vetustissimo codice.

Septimum est, quia admittit ius pontificium eandem hanc pœnam, atque

atque clericis adulterantibus sigillum Regium, ijs ab Ordinibus deiectis, inuri characterem aliquem statuit in signum maleficij *cap. ad audientiam 3. X. de Crim. fals.* nempe per iudicem temporalis iurisdictionis *Gloss. in d. cap. 3. Nicol. Boer. decis. 82. n. 3. Duenn. in fallent. reg. iur. reg. 290. limit. 1.*

Octauum ministrat, quod Theophilus Imperator iussit stigmata inuri Theophani & Theodoro duobus Monachis epigramma 12. versuū in facie ob ea quæ refert *Zonaras in historia*, vt à cæteris discernentur, vnde alludit *Martial. l. 12. Epigr. 62. ad Ligurtam: Frons hæc stigmatate non meo notanda est. Petr. Greg. Thol. in syntag. iur. l. 31. c. 35. in fin.* Ita nuper Anno Domini, 1614. in Iapone Christianos Martyres signo crucis in fronte à tyranno candenti ferro inustos legimus & in imaginibus Romæ excusis expressos vidimus & videmus, inquit *R. P. Cornel. à Lapide ad cap. 9. Ezech.*

Ac licet iure ciuili prohibitum sit ne hi qui ob commissa delicta, relegandi aut deportandi, signo aliquo in fronte notentur, quod facies hominis ad similitudinem Dei creata, tam fædè maculari non debeat *l. 17. C. de pænis. vbi Gloss. l. 2. de Pæn. C. Theodos. ait quem nō esse in fronte bullandum. Fel'n. in c. signifi. coll. 4. de Homic. Tamen Rebuff. in l. Hominis 152. v. 3. in facie ff. de V. S. ait se quandoque vidisse apud Gallos etiam supremos Iudices corruptos, iniquos aut falsarios in fronte signari flore lilij. Imo VVehner loc. cit. moribus nostris obseruari ait. quod sæpè criminosi hodie stigmatate notentur. Als die Wildpreth's diebe. Ita & iure Saxonico plerumque isti homines qui virgis cæduntur, aut deportantur, ferro etiam candenti in maxilla notari solent, vt per hoc signum omnibus extraneis criminis reatus innotescat. *Gloss. Weichbild. art. 38. Myns. 2. abs. 46. Solent etiã aures abscindi, aut oculi effodi Gloss. in art. 13. l. 2. 2. hanc dicit esse rationem. Quod Saxones olim habuerint longissimos capillos, & quod eis fuerint abscissi, ideo vt omnibus essent noti, at cum hodie capillos non habeant, quod debeant aures eis abscindi Fachs. different. 66. Reinhard. part. 2. diff. 7. Alexander in l. cum in diuersis ff. de Relig. & sumpt. Chassan. in Catalog. glor. mund. p. 6. confid. 46. idque est nonum exemplum publicæ stigmatizationis.**

Decimum suppeditat *Petr. à Duenn. reg. 290. limit. 2. ex l. 4. tit. 28. part. 7. Reg. Const. vbi ait quancuncque ciuis vel rusticus Deo vel eius Genitrici maledixerit si nihil habet in bonis pro prima & secunda*

*vicc, ferro candente ad signum crucis
signum signatur in
labijs.*